

ԵԿԵՂԵՑԻՆԵՐԻ ՀԱՄԱՇԽԱՐՀԱՅԻՆ ԽՈՐՀՈՒՐԴԻ ԵԿԵՂԵՑԱԲԱՆԱԿԱՆ ՆՇԱՆԱԿՈՒԹՅՈՒՆԸ

Եկեղեցիների Համաշխարհային Խորհուրդը (ԵՀԽ) 20-րդ դարի խոշորագույն կրոնական կառույցներից է, որն իր ուսերին է վերցրել եկեղեցիների միությունը խրախուսող զանազան կազմակերպությունների կոնսուլդացման գործը: Այն նաև քարոզչական հսկայական մեխանիզմ է, որն անհնդիատ ընդլայնում է իր լիազորություններն ու գործառույթները և էկումենիկ շարժումն ուղղորդող գերհսկա կառույց է:

Այս տեսանկյունից կարևոր է հասկանալ ԵՀԽ-ի դերը էկումենիկ շարժման զարգացման ենթատեքստում: Նման եզակի կառույցն, անշուշտ, ունի իր առանձնահատկությունները: Նախ՝ պետք է նշել, որ ավելի քան կես դարի ընթացքում ԵՀԽ-ն իր ներկայացուցչական բնույթով դարձել է աննախադեպ կառույց. եթե 1948 թ. ԵՀԽ-ի անդամ եկեղեցիների թիվը հասնում էր 147-ի, ապա 2005 թ. տվյալներով այդ թիվը կազմել է 347, որի հոգևոր ենթակայության տակ գործում են աշխարհի 120 երկրների շուրջ 550 մլն. դավանորդներ, որոնք հիմնականում ներկայացնում են բողոքական և ուղղափառ հավատքները:

ԵՀԽ-ին անադամակցելու համար կրոնական ցանկացած կառույց պետք է ունենա առնվազն 25.000 անդամ: Կրոնական այն միավորումները, որոնց անդամների թիվը չի բավարարում այդ շեմը, սակայն գերազանցում կամ կազմում է 10.000 մարդ, կարող է դառնալ ԵՀԽ համագործակից անդամ. այս դեպքում միավորորումն ու կառույցները ԵՀԽ-ի աշխատանքներին կարող են մասնակցել առանց քվեարկելու իրավունքի:¹

Համաձայն ԵՀԽ-ի սահմանադրության՝ կազմակերպությանն անդամակցելու համար հիմնական նախապայմանը որոշվում է հետևյալ հիմնարար սկզբունքի հիման վրա. «Եկեղեցիների Համաշխարհային Խորհուրդը եկեղեցիների համագործակցություն է, որի անդամները մեր Տեր Հիսուս Քրիստոսին ընդունում են իբրև Աստված և Փրկիչ»²: Այն սահմանվել է դեռևս 1938 թ. Ուտրեխտում, երբ «Հավատք և Կարգ» և «Կյանք և Գործ» կազմակերպությունների կողմից նշանակված 14 անձանցից բաղկացած կոմիտեն եկեղեցական մի

¹ *Constitutions and Rules of the World Council of Churches*. Directory of WCC. WCC publications, Switzerland, 2004, p. 65.

² *Stransky T. World Council of Churches*. Dictionary of the Ecumenical Movement. Geneva, 1991, p.1084.

քանի առաջնորդների հետ կազմեց ԵՀԽ-ի սահմանադրությունը: ԵՀԽ-ի առաջին գլխավոր քարտուղար Վիսերտ Յուֆտի բնորոշմամբ այդ բանաձևում «լավագույնս բնութագրում է կառույցի էությունը»: Սակայն հետագայում պարզ դարձավ, որ այն լիովին չի բավարարում ԵՀԽ-ի էությունը լիարժեք բնութագրելու համար:

Այդ իսկ պատճառով էլ հետագայում այս բանաձևը փոփոխությունների ենթարկվեց և վերջնական տեսք ստացավ: Սակայն ավելի ուշ այն արևելյան եկեղեցիների ներկայացուցիչների ձեռքում դարձավ բուռն բանավեճերի և շահարկման պատճառ: Վերջիններս մասնավորապես պնդում էին, որ ԵՀԽ-ի հիմնարար սկզբունք հանդիսացող բանաձևը ծնունդ է առել բողոքական միջավայրում և մատնանշում էին նրա ակունքը՝ Երիտասարդ Մարդկանց Զրիստոնեական Ընկերության (YMCA) կողմից 1855 թ. Փարիզի առաջին կոնֆերանսի ժամանակ ընդունած հայտնի «Փարիզյան հիմքեր» անվանմամբ³ բանաձևը: Երիտասարդ Մարդկանց Զրիստոնեական Ընկերության նպատակն էր միավորել այն ջրիստոնյա երիտասարդ մարդկանց, ովքեր Սուրբ Գրքի համաձայն Հիսուս Զրիստոսին համարում են իրենց Աստվածն ու Փրկիչը և ցանկանում են իրենց հավատքով ու կյանքով լինել նրա աշակերտները, միավորել իրենց ջանքերը՝ երիտասարդ մարդկանց մեջ Զրիստոսի թագավորության տարածման համար: Այս պատճառով էլ համագումարի ընթացքում և՛ ազատական, և՛ պահպանողական թևերի ներկայացուցիչները դժգոհում էին «մեր Տեր Հիսուս Զրիստոսին ընդունում ենք որպես Աստված և Փրկիչ» սահմանումից:

Անհամաձայնություններն սկսվել էին դեռ Ուտրեխտի 1938թ. հանդիպման ժամանակ, որտեղ սահմանադրությունը կազմելիս մշակվել էր այս բանաձևում: Շատերը համաձայն չէին սրա հետ՝ վախենալով, որ այն կարող է վտանգել համագործակցությունը (koinonia)՝ ներմուծելով եկեղեցաբանական տարրեր: Դա, նրանց համոզմամբ, նշանակում էր գործընթացի դանդաղեցում, քանի որ եկեղեցիներն ստիպված կլինեին համաձայնության եզրեր փնտրել վարդապետական և եկեղեցաբանական բնույթի բարդ տարաձայնությունների մեջ: Ուրիշներն էլ պատրաստ էին որպես հիմք ընդունել Նիկիական հանգանակը կամ Առաքելական հավատամքը և պնդում էին, որ նոր ձևակերպումների անհարժեշտություն չկա և պետք է օգտագործել այն հարուստ պաշարը, որը ձեռք է բերվել դարերի ընթացքում:

³ Ruth Rouse. Voluntary movements and the changing ecumenical climate. A History of the Ecumenical Movement. V. I, 1517 -1948, (ed. by Ruth Rouse and Stephen C. Neill), V. II 1948 - 1968, (ed. by Harold E. Fey), Geneva, 1993, p. 327.

Ուղղափառների բազմաթիվ ներկայացուցիչներ համարում էին, թե դավանաբանորեն այդ բանաձևումը «հնչեղ չէ» այնքանով, որքանով որ այն չի շեշտադրում Հիսուս Քրիստոսի մարդեղությունը։ Մյուսները, խուսափելով դավանաբանական բնույթի ցանկացած սահմանումից, պնդում էին, որ համագումարն իր ուսերին մնան գործառույթ չպետք է վերցնի։ Ի դեպ, այս մոտեցումը մեծ նշանակություն ձեռք բերեց հետագայում այն իմաստով, որ ԵՀԽ-ն հավատքային վերջնական բանաձևեր մշակելու և եկեղեցիներին հրամցնելու իմաստով ինքն էր սահմանափակում իր լիազորություններն ու գործառույթները։

Սակայն տարածայնությունները հետագայում աստիճանաբար հարթվեցին, և այդ բանաձևը դարձավ այն հենքը, որի վրա էլ կառուցվեց եկեղեցիների փոխգործակցությունը։ «Եկեղեցիների համագործակցություն» (fellowship of churches) արտահայտությունն առանց լրացուցիչ դժվարությունների ընկալվեց և ընդունվեց գրեթե բոլորի կողմից, քանի որ այդ գաղափարն արտահայտված էր մալ Կ. Պոլիսի Տիեզերական պատրիարքի 1920թ. շրջաբերականում։ Ուղղափառ եկեղեցիների համար այդ իրողությունը մեծ նշանակություն ուներ, քանի որ նրանց համար եկեղեցական համագործակցությունն զգալիորեն հեշտացրեց հոգեբանական բարոյությունների հաղթահարման գործընթացը։

Բանաձևի վերաբերյալ համագումարի ընթացքում հնչած քննադատությունների արդյունքում ասպարեզ իջավ ԵՀԽ-ի գործառնության համար հիմնարար այդ սկզբունքի առավել խորն ուսումնասիրելու հրամայականը։

Խնդիրը կարգավորելու համար ստեղծվեց ենթակոմիտե, որը պետք է աշխատանքներ ծավալեր բանաձևի առավել օպտիմալ տարբերակ ստեղծելու ուղղությամբ։ Սակայն երկարատև քննարկումների արդյունքում աշխատանքային խումբն որոշում ընդունեց, որ բանաձևը չպետք է փոխվի, քանի որ նրանում հստակ կերպով արտահայտված են Հիսուս Քրիստոսի մարդեղությանն ու երրորդության հավատանքները։

ԵՀԽ-ի 1954թ. էվանստոնի երկրորդ համագումարը գրեթե միաձայն հանգեց այն եզրահանգմանը, որ ԵՀԽ-ի համար վերոհիշյալ հենքային բանաձևումը ոչ միայն հստակ ձևակերպում է Խորհուրդի ուղղվածությունը, այլև հանդես է գալիս իբրև էկումենիկ համագործակցության բնույթը պայմանավորող ռազմավարություն ծրագիր, որը մատնանշում է եկեղեցիների կողմից որոնվող համագործակցության սահմանները։

ԵՀԽ-ի 1954թ. էվանստոնի և 1961թ. Նոր Դելիի համագումարի միջև ընկած ժամանակահատվածում կազմվեց մի նոր ենթակոմիտե, որին հանձնարարվեց մի անգամ ևս քննարկել խնդրո առարկա հիմնահարցին վերաբերող մանրամասները՝ այդ գործում ներգրավելով մալ աստվածաբանների։

Ենթակոմիտեի աշխատանքների հիման վրա ԵՅԽ Կենտրոնական Կոմիտեն 1960 թ. մշակեց նոր հիմնադրույթ, որն ընդունվեց Նոր Դելիի համա-գումարի ընթացքում:

Այն հնչում էր հետևյալ կերպ. «Եկեղեցիների Համաշխարհային Խորհուր-դը եկեղեցիների համագործակցություն է, որոնք խոստովանում են Տեր Հիսուս Քրիստոսին որպես Աստված և Փրկիչ՝ համաձայն Սուրբ Գրքի և, հետևաբար, ցանկանում են միասին իրականություն դարձնել ընդհանուր կոչումը՝ ի փառս Մեկ Աստծու՝ Հոր, Որդու և Սուրբ Հոգու»⁴: Ժողովականների մեծ մասի կարծի-քով այդ բանաձևը համահունչ էր առաջին երկու տիեզերական ժողովների հաստատած երրորդաբանական հավատամքին, ինչն էլ պվելի «աստվա-ծաշնչային (սուրբգրային) է դարձնում էկումենիկ շարժման հիմքերը»:

Այդ ամենն էլ ակնհայտ ցույց է տալիս, որ 1961 թ. Նոր Դելիի համագու-մարում վերջնականապես որոշվեց ԵՅԽ-ին անդամակցելու նախապայման-ներից կարևորագույնի ճակատագիրը: Եվ չնայած դրան՝ պետք է նշել, որ բանաձևի ընդունման հետ կապված տրամադրությունները բավականին հակասական էին: Սակայն վերջին հաշվով հաղթեց «համագործակցության ոգին», ինչն էլ ԵՅԽ-ի ղեկավարությանը թույլ տվեց Նոր Դելիում հայտարարել, որ բանաձևի հայտարարումով սկիզբ է առնում, այսպես ասած, «էկումենիզմի մոբիլիզացման» դարաշրջանը, իսկ էկումենիկ շարժումը որակվեց իբրև «պանքրիստոնեական»:⁵

Քանի որ բանաձևը չափապանեց իր նախնական ձևը և փոփոխման ենթարկվեց, շատերը կարծում էին, որ այն չի երկար չի գոյատևի, իսկ փո-փոխման ճանապարհ ընտրած Նոր Դելիի օրինակը վատ նախադեպ կդառնա: Մտավախություն կար, որ նոր հավելումներ կատարելու արդյունքում բանաձևը կվերածվեր դավանաբանական բարդ հավատամքի, որը նոր հանգանակ դառնալու հավակնություն կունենար: Մասնակիցների շարքերում քիչ չէին նաեւ նրանք, ովքեր կարծում էին, թե «բարեփոխված բանաձևը ի վերջո կհանգեցնի քարացած ստերիոտիպերի, որոնք ապագայում հնարավոր չի լինի կոտրել»:

Այդ ամենով հանդերձ՝ ԵՅԽ անդամակցության բանաձևը դարձավ այն ընդհանուր գաղափարական հենքը, որի շուրջ պետք է համախմբվեին բազ-մաթիվ եկեղեցիներ: Դրանով իսկ կարելի է պնդել, որ այդ բանաձևը դարձավ ԵՅԽ էությունն արտացոլող ներքին այն շերտը, որը հետագայում կարևոր դեր

⁴ H. Kruger. The Life and Activities of the World Council of Churches. A History of the Ecumenical Movement. V. I. 1517 –1948. (ed. by Ruth Rouse and Stephen C. Neill), V. II 1948 –1968. (ed. by Harold E. Fey), Geneva, WCC, 1993. p. 35.

⁵ Крашев Ю. В. Христианский экуменизм. М., 1980, с. 16.

խաղաց ԵՅԽ կազմում ընդ եկեղեցիների անդամակցության շրջանակի մեծացման գործում:

Նշված բանաձևի ընդունումը, որով վավերացվեց ԵԽՅ անդամակցության հարցը, օրակարգից չհանեց իր հետ օրգանապես կապված այն հարցը, թե եկեղեցիների Համաշխարհային խորհուրդն ինչ կարգավիճակով պետք է գործունեություն ծավալի: Վերջինս ենթադրում է մի ամբողջ շարք համալիր հարցերի քննարկում, որոնցից առավել կարեւորվում էին հետևյալները.

ա) անդամակցող եկեղեցիները պետք է հստակ պատկերացում ունենան, թե իրենք ինչպիսի կառույցի հետ են համագործակցում, և ինչպիսի սահմանափակումներ էին սպասվում իրենց այդ կառույցի ներսում,

բ) ԵՅԽ-ի գործառույթների հստակ սահմանում,

գ) ԵՅԽ-ի նպատակների և դերի հստակեցում:

Այդ ամենն ակնհայտ էր դարձնում այն, որ ման կառույցը ընդ երևույթ էր եկեղեցիների համար: Անառարկելի էր մի բան, որ քրիստոնեության պատմության մեջ առաջին անգամ ստեղծվել էր կրոնական հսկայական մի կառույց, որին անդամակցող տարբեր եկեղեցիները պետք է գործեին միասնաբար: Եվ բնական է, որ ԵՅԽ-ին անդամակցել ցանկացող եկեղեցիների մոտ տրամաբանական հարց էր առաջանում՝ անդամակցելով ԵՅԽ-ին՝ արդյո՞ք ստիպված չէին լինի փոխել իրենց եկեղեցաբանական կարգավիճակը կամ դավանաբանական բնույթի վերանայումներ կատարել: Հարցը բավականին սրությամբ էր դրվել և այն պատճառով, որ սկզբնական շրջանում ԵՅԽ-ն եկեղեցիներին մի տեսակ անորոշ կառույց էր թվում, և վերջններին համար անհարժեշտ էր ծշտել ինչպես ԵՅԽ-ի կարգավիճակը, այնպես էլ՝ իրենց կարգավիճակն այդ «միության» շրջանակներում:

Այդ մտավախությունների արծագանքը հանդիսացավ ԵՅԽ Ամստերդամի համաժողովը, որը փորձ կատարեց որոշակիորեն սահմանել ԵՅԽ-ի գործառույթները և նպատակները. դրա արդյունքում հրապարակ իջավ ԵՅԽ-ի ևս մի հիմնարար փաստաթուղթ, որը հռչակում էր «... խորհուրդը ցանկանում է ծառայել իր անդամ հանդիսացող եկեղեցիներին, գործիք դառնալ, որը կօգնի միասնաբար և նվիրվածությամբ ծառայել Հիսուս Քրիստոսին, համագործակցել այն հարցերում, որոնք անհրաժեշտ է լուծել միասնական ուժերով: Սակայն խորհուրդը հեռու է իրեն անդամակցող եկեղեցիների որևէ գործառույթ ուզուրպացնելու ցանկությունից, չի ցանկանում վերահսկել եկեղեցիները կամ վերջիններիս համար որևէ օրենք հաստատել ...»⁶:

⁶ Церковь, Церкви и Всемирный Совет Церквей. Православие и экуменизм: документы и материалы, 1902-1998, М., 1999, с. 221.

Ինչպես ակնհայտորեն երևում է՝ Ամստերդամի հռչակագիրը ծագում է հասնել այն բանին, որ ԵՀԽ-ն իր մեջ որևէ վանող ատրիբուտ չպարունակի, և կառույցը ներկայաժամ իբրև միջոց, այլ ոչ թե նպատակ: Այդ ամենից հստակ երևում է, որ ԵՀԽ-ն վճռապես հրաժարվում է հանդես գալ իբրև մի այնպիսի հատուկ եկեղեցական կառույց, որը վեր կանգնած լիներ իրեն անդամակցող այլ եկեղեցիներից: Դրանով իսկ հաստատվեց, որ ԵՀԽ-ն անդամակցող եկեղեցիների ամբողջություն է:

Ամստերդամում ընդունված բանաձևը հստակ կերպով սահմանում է նաև ԵՀԽ-ին բնորոշ մի առանձնահատկությունը. այն, որ հորիզուրդը չի ցանկանում վերածվել մի այնպիսի կառույցի, որը ղեկավարվում է կենտրոնացված աղմինիստրատիվ ապարատի կողմից: Այդ կապակցությամբ բանաձևի մեջ հռչակվում է հետևյալ սկզբունքը. «հորիզուրդի իսկական ցանկությունն է, որպեսզի եկեղեցիները մերձեցան Քրիստոսին և դրանով մերձեցան միմյանց»⁷:

Միջեկեղեցական համագործակցության համար այդ պայմաններն անհրաժեշտ էին, բայց ոչ բավարար: Մասնավորապես, Ամստերդամի սահմանումները դեռևս բավարար լույս չէին սփռում այն առնչությամբ, որ եկեղեցիները լիարժեք պատկերացում կազմեին ԵՀԽ-ի գործառույթների վերաբերյալ: Անհրաժեշտ էր հրապարակել լրացուցիչ մոր պարզաբանումներ, որոնք առավել սպառնիչ տեսք կհաղորդեին հիմնահարցին:

Անորոշ այդ իրավիճակից դուրս գալու նպատակով ԵՀԽ-ի Կենտրոնական Կոմիտեն 1950 թ. Տորոնտոյի հավաքից հետո շրջանառության մեջ դրեց ծրագրային մի մոր փաստաթուղթ, որը բավականին լուրջ մշակված հռչակագրային տեսք ուներ: Դա էկումենիկ շարժմանը բավականին հայտնի «Եկեղեցի, Եկեղեցիներ և Եկեղեցիների Համաշխարհային հորիզուրդ» խորագիրը կրող հայտարարությունն էր, որը նպատակ էր հետապնդում պարզաբանել եկեղեցիների Համաշխարհային հորիզուրդի եկեղեցաբանական նշանակությունը:

Այդ համատեքստում մեծ հետաքրքրություն է ներկայացնում «Տորոնտոյի սկզբունքների» ձևավորման նախապատմությունը: Վավերագրերը համեմատաբար կերպով վկայում են՝ նշված սկզբունքների ձևավորմանը մեծապես խթանել է այն, որ ԵՀԽ-ի կարգավիճակով շահագրգիռ էր նաև կաթոլիկ եկեղեցին: Այդ նպատակով կողմերի ներկայացուցիչները հանդիպեցին Փարիզում՝ քննարկելու խնդրի առարկա հարցը: Այս հանդիպումն էլ էկումենիկ շարժման առաջնորդներին մեծապես օգնեց հասկանալ, որ համագործակցության այս

⁷ Նույն տեղում, էջ 221:

փուլում էլ անհրաժեշտ է պարզաբանել, թե ի՞նչ է ԵՅԽ-ը և, առավելա, ինչ չէ։⁸ Այդ փաստը բավականին հետքեր է և այն առնչությամբ, որ այդ ժամանակահատվածում էկումենիզմի նկատմամբ բավականին կարծի դիրքորոշում որդեգրած կաթոլիկ եկեղեցին գործնականում դարձավ էկումենիկ շարժման մեջ այդքան կարևոր նշանակություն ունեցող փաստաթղթի մշակման մասնակիցը :

Էկումենիզմի պատմության մեջ «Տորոնտոյի սկզբունքները» կարևորվում են այնքանով, որքանով որ դրանով փորձ է կատարվում առավել կոնցեպտուալ կերպով բնութագրել ԵՅԽ-ն, մասնավորապես նրա գործառույթներն ու նպատակները : Այդ կապակցությամբ մեծ հետաքրքրություն են ներկայացնում այն սահմանափակումները, որոնք վերաբերում են ԵՅԽ գործունեության նպատակներին: Հաստատված սկզբունքները հետևյալն են.

1. Եկեղեցիների Համաշխարհային Խորհուրդը գերեկեղեցի չէ և երբեք չպետք է գերեկեղեցի դառնա,
2. Եկեղեցիների Համաշխարհային Խորհրդի նպատակը ամենակին էլ եկեղեցիների միավորման հարցում պայմանավորվածության հասնելը չէ, սեփական նախաձեռնությամբ դա կարող են իրականացնել միայն իրենք՝ եկեղեցիները, այլ՝ եկեղեցիների միջև կենդանի կապեր ստեղծելն է և եկեղեցու միավորման հարցի շուրջ ուսումնասիրություններ ու քննարկումներ կազմակերպելն է,
3. Եկեղեցիների Համաշխարհային Խորհուրդը չի կարող հենվել եկեղեցական որոշակի մեկ հայեցակարգի վրա,
4. Եկեղեցիների Համաշխարհային Խորհուրդին անդամակցելը չի նշանակում, թե այս կամ այն եկեղեցին հարաբերական է համարում իր սեփական հայեցակարգը,
5. Եկեղեցիների Համաշխարհային Խորհուրդին անդամակցությունը չի նշանակում եկեղեցիների միությանը վերաբերող հատուկ վարդապետության ընդունում։⁹

Այդ ամենն աներկբա վկայում է, որ Տորոնտոյում ԵՅԽ-ի Կենտրոնական Կոմիտեն սահմանեց ծրագրային նշանակության այն պայմանները, որոնց առկայությունը պետք է նպաստեր անդամ եկեղեցիների փոխհարաբերությունները զարգացնելուն, ինչպես մաս ԵՅԽ-ի և, ընդհանրապես, եկեղեցիների միջև համագործակցության ծավալմանը:

⁸ Morris West. Toronto statement. Dictionary of the Ecumenical Movement. Geneva, 1991, p. 1008

⁹ Catholicos Aram I Keshishian. Conciliar fellowship, Antelias. 1996, p. 6.

Չի կարելի և չնկատել այն, որ «Տորոնտոյի սկզբունքները» անուրանալի դեր կատարեցին հաղթահարելու այն բոլոր «բացասական» ստերիոտիպները, որոնք կարող էին վնասել ԵՀԽ-ի վարկին:

Տորոնտոյի հայտարարությունը ունի նաև չափազանց կարևոր մի այլ գործառնական նշանակություն ևս: Այն հստակորեն ի ցույց է դնում, որ ԵՀԽ-ամենեկին էլ մեծ հավակնությունների չի ձգտում:¹⁰ Դրանով ԵՀԽ-ն ևս մեկ անգամ ապացուցեց, որ հավատարիմ է իր սահմանադրական սկզբունքներին: Այն միաժամանակ հավաստում է նաև չափազանց էական այն փաստը, որ ԵՀԽ-ը չի կարող օրենսդիր գործառնություններ ունենալ, այսինքն՝ չի կարող գործել իր անդամ եկեղեցիների փոխարեն, հակառակ պարագայում նա կկորցնի հենց նույն անդամ եկեղեցիների աջակցությունը: Այստեղից հիմնական հետևությունը՝ ԵՀԽ-ին անդամակցությունն ամենեկին չի նշանակում, թե մասնակից եկեղեցիները կազմում են օրգանական մի կառույցի բաղկացուցիչ մասը, կառույց, որն ինքն է որոշումներ կայացնում բոլորի անունից: Հետևաբար, Տորոնտոյի հայտարարության համաձայն՝ յուրաքանչյուր եկեղեցի պահպանում է ԵՀԽ-ի գործողությունները կամ գաղափարները հերքելու կամ ընդունելու իր սահմանադրական իրավունքը: ԵՀԽ-ի եկեղեցաբանական նշանակության հիմնական բնութագրիչներից հաջորդն այն է, որ համագործակցող յուրաքանչյուր եկեղեցու հրահանգված է վերհիշել իր էկումենիկ փորձը և այն հիմք ընդունելով՝ կառուցել իր քաղաքականությունը: ԵՀԽ-ի գաղափարախոսները ամեն ինչ անում են, որպեսզի մասնակից եկեղեցիներին համոզեն այն բանում, որ կառույցը հիմնված է կամավորության սկզբունքի վրա և պարտադրանքի քաղաքականություն չի վարում, ուստի՝ անդամակցող ցանկացած եկեղեցի ինքն է որոշում մեկ այլ եկեղեցու հետ համագործակցելու կամ հակառակը կատարելու հարցը: Հայտարարության ընդհանուր տրամաբանությունն այն էր, որ ԵՀԽ-ին անդամակից յուրաքանչյուր եկեղեցի ունի լայն լիազորություններ, այսինքն՝ անդամակցությունը ոչ թե սահմանափակում է տվյալ եկեղեցու լիազորությունները, այլ հակառակը՝ ընդլայնում է դրանք:

Տորոնտոյի հայտարարությունը պետք է դիտարկել մի այլ տեսանկյունից ևս: Բանն այն է, որ այն փորձում է անդամ-եկեղեցիներին վստահեցնել այն բանում, որ ԵՀԽ-ն ինչ-որ որոշակի (կոնկրետ) աստվածաբանական դպրոցի դավանաբանական բանկի կրող չէ և պատրաստ է քննարկել անդամակցող յուրաքանչյուր եկեղեցու եկեղեցաբանական հայեցակարգ, եթե վերջինս

¹⁰ Նշենք, որ «Տորոնտոյի սկզբունքների» հռչակումը կարևոր նշանակություն ունեցավ նաև կաթոլիկ միջավայրում: Մինչ այդ վերջիններս կարծում էին, թե ԵՀԽ-ը մի կառույց է, որը ձգտում է մրցակցել Կաթոլիկ եկեղեցու հետ:

համամիտ է ԵՅԽ-ին անդամակցելու նախապայմաններին՝ ԵՅԽ-ի հիմնարար սկզբունքներին:

Իսկ այն իրողությունը, որ ԵՅԽ-ին անդամակցությունը կարող էր իրականանալ առանց նախապայմանների, էլ ավելի էր խթանում ԵՅԽ-ի ընդլայնման գործընթացը: Ըստ էության վերջինս պետք է համարել Տորոնտոյի հայտարարության հիմնական նպատակը՝ հնարավոր անդամակիցներին համոզել այն բանում, որ ԵՅԽ-ն «ամբողջատիրական» հավակնություններ չունի:

Այդ առնչությամբ պետք է նկատել նաև, որ ԵՅԽ-ի գաղափարախոսները շատ լավ հասկանում էին, որ մեծ թիվ են կազմում նրանք, ովքեր քննադատում էին էկումենիկ շարժումը՝ համարելով, որ այն ժամանակի ընթացքում դառնում է չափից դուրս հանդուրժողական: Նրանց կարծիքով էկումենիզմը «միության» որոշակի տեսակ է, որը ինչ-որ ժամանակահատվածում կարող է վճռական դեր կատարել էկումենիզմի պատմության մեջ: Բայց դա ամենևին էլ չի նշանակում, թե ԵՅԽ-ը կոնկրետ (պաշտոնական) եկեղեցաբանական հայեցակարգ որդեգրել: Էկումենիկ շարժման հետագա ընթացքը ցույց տվեց, որ ԵՅԽ-ն փորձում է գործել՝ հենվելով որոշակի չափորոշիչների վրա և բոլոր դեպքերում խուսափում է եկեղեցաբանական-հայեցակարգային գլոբալ ձևակերպումներից:

Կենտրոնական կոմիտեն հրաշալի հասկանում էր նաև, որ ԵՅԽ-ի շարքերում քիչ չեն նրանք, ովքեր համագործակցությունը հասկանում էին բացարձակ միակարծություն, նաև՝ վարդապետական միավորման իմաստով: Այս մոտեցման կողմնակիցները պահանջում էին, որ համագործակցության շրջանակներում ձևավորվի դավանաբանական և ծիսակարգային ընդհանուր դաշտ: Եւ վերջապես՝ ազդեցիկ թիվ էին կազմում և նրանք, ովքեր պնդում էին, թե էկումենիկ ընդհանուր մոտեցումներն ամենևին էլ եական չեն քրիստոնեական միություն հաստատելու համար: Տորոնտոյի հայտարարության մեջ այս տեսակետներից և ոչ մեկը վերջնական ճշմարտություն չէր համարվում: Առավել էական էր համարվում այն, որ այդ բոլոր հայեցակարգերը դիմամիկ կապի մեջ լինեն միմյանց հետ: Այսինքն՝ ԵՅԽ-ի գաղափարախոսների համար առավել կարևոր էր տարբեր տեսակետների ներդաշնակ գոյությունը:

ԵՅԽ-ին անդամակցությունը գործնականում ենթադրում էր հետևյալ պայմանը. «Եկեղեցիները պետք է միմյանց վերաբերվեն համերաշխությամբ, օգնեն միմյանց և զերծ մնան այնպիսի քայլերից, որոնք ընդունելի չեն եղբայրական հարաբերություններում»¹¹:

¹¹ The Church, the Churches and the World Council of Churches. WCC Central Committee. Toronto, 1950, in The Ecumenical Movement, An Anthology of Key Texts and Voices. Geneva, WCC Publications. 1997, p. 463-469.

ԵՅԽ-ի երրորդ համագումարում Տորոնտոյի համաձայնագիրը վավերացվեց այն առնչությամբ, որ վերջինս լավագույն կերպով արտհայտում էր խորհրդի բնության մասին մեր (ԵՅԽ-ի՝ Դ.Մ.) պատկերացումը»¹² : Չնայած «Տորոնտոյի սկզբունքների» հասցեին հնչած քննադատություններին՝ այն մինչև օրս էլ բավականին արդյունավետ ծառայում է ԵՅԽ-ին և յուրահատուկ ուղեցույց է էկումենիկ շարժման մասնակից եկեղեցիների համար: Եվ այդ ամենով հանդերձ՝ պետք է ենթադրել նաև, որ ինչպես համագործակցության ցանկացած այլ փաստաթուղթ, այնպես էլ «Տորոնտոյի սկզբունքները» ժամանակի թելադրանքով վերանայման և փոփոխության կարիք ունեն:

Դժվար չէ ենթադրել, որ այդ ամենով ԵՅԽ-ի էության և գործառույթների հետ կապված հիմնախնդիրներն ամենևին էլ չկորցրեցին իրենց արդիականությունը: Նույնիսկ այն կարծիքն էլ է ձևավորվել, թե որքան ավելանում է սահմանումների թիվը, այնքան ավելի է մեծանում դրանց անհրաժեշտությունը :

Այդ հրամայականով թելադրված էլ Նոր Դելիից հետո նշված հարցը մեկ անգամ ևս բարձացվեց «Չավատք և Կարգ» չորրորդ միջազգային կոնֆերանսում (Մոնրեալ, 1963թ.), որը խնդրո առարկա հիմնահարցի վերաբերյալ ընդունեց հետևյալ ուղեծրը. «խորհուրդը (ԵՅԽ-Դ.Մ.) եկեղեցի չէ. այն չի ձգտում դառնալ եկեղեցի կամ Միակ եկեղեցի... այլ իր ծառայություններն է առաջարկում եկեղեցիներին և եկեղեցուն»:¹³

Այդ համատեքստում չափազանց ակնհայտ է դառնում ԵՅԽ-ի «հիվանդագին» մտավախությունը, որի ազդեցությամբ այն գործնականում անընդհատ փորձում է ապացուցել, թե ինքն այն չէ, ինչ իրեն պատկերացնում են: ԵՅԽ-ի այդ մտավախությունը կարելի է կապել մի շարք օբյեկտիվ գործոնների հետ, որոնցից արժանահիշատակ են հետևյալները.

ա) համագործակցող եկեղեցիներին այդպես էլ չհաջողվեց մշակել և չկարողացան զարգացնել այնպիսի հայեցակարգ կամ համակարգ, որի օգնությամբ հանարավոր լիներ համապատասխան ձևով նկարագրել «էկումենիկ փորձն ու իրողությունները», որոնք, ըստ էության, բոլովին նոր երևույթ էին եկեղեցու պատմության մեջ,¹⁴

¹² H. Kruger. The Life and Activities of the World Council of Churches. A History of the Ecumenical Movement. V. I, 1517–1948, (ed. by Ruth Rouse and Stephen C. Neill), V. II 1948–1968, (ed. by Harold E. Fey) p. 30.

¹³ Նույն տեղում՝ էջ 30:

¹⁴ Այդ կապակցությամբ որոշ մասնագետներ կարծում են, որ փորձ էր կատարվում էկումենիկ իրողությունները հասկանալ մինչէկումենիկ դարաշրջանի չափանիշներով և դրանով էլ պայմանավորված են համաքրիստոնական միություն տանող ճանապարհի արհեստական խոչընդոտների ի հայտ գալը:

բ) բարդություն էր առաջացել նաև այն առումով, որ տարբեր եկեղեցիներ և մասնակից հոգևոր այլ միավորումներ միանգամայն տարբեր բառապաշար էին օգտագործում միևնույն խնդիրը նկարագրելու համար:

Բայցևայնպես պետք է ընդունել, որ տվյալ պահի համար առաջնայինը Տորոնտոյի այն հայտարարությունն էր, որ ԵՅԽ-ը գերեկեղեցի չէ և ոչ մի պայմանի թելադրանքով չպետք է այդպիսին դառնա, թեև եկեղեցական եզրաքանությանը հնարավոր չեղավ հստակորեն սահմանել, որ ԵՅԽ-ն ինքնին եկեղեցի չէ և վերջինիս անդամակցելու պարագայում եկեղեցիների, այսպես ասենք, «եկեղեցաքանական նկարագրից» ոչինչ չի պակասում:

Ընդհանրացնելով այդ ամենը՝ կարող ենք եզրակացնել, որ բոլոր մտավախություններով եւ մտահոգություններով հանդերձ՝ 1948 թ. սկսած ԵՅԽ-ի անդամ եկեղեցիները հստակ հասկանում էին, որ այդ կառույցը ոչ գերեկեղեցի է, ոչ տիեզերական եկեղեցի, ոչ էլ՝ «համաշխարհային եկեղեցու սկիզբ»: Նրանք ընդունում էին նաև, որ ԵՅԽ-ն մի կառույց է, որտեղ եկեղեցիները միական ընդհանուր վկայություն են բերում Քրիստոսին ծառայելու գործում և փնտրում են այն միությունը, որ Հիսուս Քրիստոս կամենում էր միասնական եկեղեցու համար, ինչպես նաև համագործակցում են այն խնդիրների շուրջ, որոնք համատեղ ջանքեր ու գործողություններ են պահանջվում «եկեղեցական կյանքը նորացնելու» համար:¹⁵

Պետք է կարևորել այն, որ ԵՅԽ-ն իր ձևավորման առաջին օրվանից գտնվում է այսպես ասենք, «ինքնաընկալման» փուլում: Այն գրեթե անընդմեջ կարիք ունի վերանայելու իր բնույթին ու նպատակին առնչվող խնդիրները, որոնք լայնորեն քննարկվում են ԵՅԽ համծնախմբերի, խորհրդատու մարմինների և անձնակազմի հանդիպումների ժամանակ: ԵՅԽ-ը պարբերաբար փորձում է վերաարժեքավորել էկումենիկ շարժումը, որի կազմակերպչական ձևերից մեկն էլ ինքն է: Մյուս կողմից, ԵՅԽ-ը գգուշավոր է էկումենիկ շարժման վերաբերյալ վերջնական սահմանումներ տալու առումով, բայց օգնում է անդամակցող միավորներին՝ տեղական, ազգային, տարածաշրջանային, գլոբալ և, հատկապես, ԵՅԽ-ի հետ հարաբերություններում գնահատել իրենց էկումենիկ պարտավորություններն ու գործունեությունը:

¹⁵ Церковь, Церкви и Всемирный Совет Церквей. Православие и экуменизм: документы и материалы, 1902-1998, с. 228.